

Datum: 26.08.2014.godine
Broj: 151/14

ZAPISNIK

X sjednice Skupštine „TRA“ d.o.o-Agencije za razvoj općine Tešanj

Zapisnik vodio: Muamer Omahić

Prisutni članovi Skupštine Agencije TRA :

1. Hamzalija Hojkurić, dipl.ekonomista
2. Selma Mešić, dipl. ekonomistica
3. Kanita Gredelj, dipl. pravica

Prisutni :

1. Ismar Alagić direktor Agencije TRA

Sjednica Skupštine „TRA“ d.o.o-Agencije za razvoj općine Tešanj, održana je u četvrtak 06.11.2014.godine, sa početkom u 08:00 sati u kancelariji Agencije za razvoj općine Tešanj sa predloženim slijedećim tačkama dnevnog reda:

1. **Utvrđivanje zapisnika sa 9. sjednice Skupštine Agencije TRA**
2. **Izbor predsjedavajućeg za 10. sjednicu Skupštine Agencije TRA**
3. **Izbor zapisničara i dva ovjerivača zapisnika na 10. sjednici Skupštine Agencije TRA**
4. **Razmatranje Odluke u vezi potpisivanja Ugovora Delegacije EU u BiH sa „TRA“ za dodjelu grant finansijskih sredstava kroz realizaciju projekta COBEAR**
5. **Razno**

Za 10. sjednicu Skupštine Agencije TRA dostavljeni su materijali u skladu sa predloženim dnevnim redom. U materijalima za desetu sjednicu Skupštinu Agencije TRA, se nalazio i nacrt zapisnika 12. održane sjednice Nadzornog odbora Agencije TRA. Predloženi član Skupštine u ime Osnivača, g-din. Hamzalija Hojkurić je mao primjedbu na navedeni nacrt zapisnika, te predložio da se u zapisnik uvrsti i zaključak u kojem se vidi očitovanje Nadzornog odbora po pitanju prihvatljivosti prijedloga Ugovora o grantu od strane Delegacije EU u BiH.

Predloženi članovi za 10 sjednicu Skupštine Agencije TRA od strane Osnivača jednoglasno su prihvatili prijedlog dnevnog reda za desetu sjednicu.

Ad 1.

Općini Tešanj kao Osnivaču Agencije TRA, uz poziv za desetu sjednicu dostavljen je zapisnik sa prethodne održane sjednice Skupštine Agencije TRA, koji nije potpisan i ovjeren. Predloženi član za desetu sjednicu Skupštine Agencije TRA od strane Osnivača, g-din. Hamzalija Hojkurić je zatražio da se članovima Skupštine Agencije TRA na uvid dostavi ovjeren i potpisan zapisnik, kao i dosje devete sjednice Skupštine Agencije TRA. Nakon pola sata članovima Skupštine Agencije TRA dostavljen je ovjeren zapisnik, bez dosjea sa devete održane sjednice Skupštine Agencije TRA. Nakon izvršenog uvida Skupština Agencije TRA donosi:

ZAKLJUČAK

Prihvata se zapisnik sa 9. održane sjednice Skupštine „TRA“ d.o.o-Agencije za razvoj općine Tešanj.

Ad 2.

Pod tačkom 2. „Izbor predsjedavajućeg za 10. sjednicu Skupštine Agencije TRA“, član Skupštine Agencije TRA, g-din. Hamzalija Hojkurić za predsjedavajućeg 10. sjednice Skupštine predložio je gđu. Kanitu Gredelj. Ostali članovi Skupštine Agencije TRA su predložili g-dina Hamzaliju Hojkurića za predsjedavajućeg 10. sjednice Skupštine Agencije TRA. Nakon zaključene rasprave i rezultata glasanja Skupština Agencije TRA donosi:

ZAKLJUČAK

Za predsjedavajućeg 10. sjednice Skupštine „TRA“ d.o.o-Agencije za razvoj općine Tešanj imenuje se g-din. Hamzalija Hojkurić, dipl. ekonomista

Ad 3.

Pod tačkom 3. „Izbor zapisničara i dva ovjerivača zapisnika na 10. sjednici Skupštine Agencije TRA“. Predsjedavajući Skupštine Agencije za zapisničara 10. sjednice predlaže g-dina Muamera Omahića, a za ovjerivače zapisnika predlaže uposlenike Agencije TRA, g-dina Muhameda Džihića i g-dina Senada Lekića. Nakon iznesenog prijedloga i rezultata glasanja Skupština Agencije TRA donosi:

ZAKLJUČAK

Za zapisničara 10. sjednice Skupštine „TRA“ d.o.o-Agencije za razvoj općine Tešanj, imenuje se g-din. Muamer Omahić, a za ovjerivače zapisnika imenuju se g-din. Muhamed Džihić i g-din. Senad Lekić.

Ad 4.

Pod tačkom 4. „Razmatranje Odluke u vezi potpisivanja Ugovora Delegacije EU u BiH sa „TRA“ za dodjelu grant finansijskih sredstava kroz realizaciju projekta COBEAR“. Predsjedavajući Skupštine Agencije TRA, g-din. Hamzalija Hojkurić zamolio je direktora Agencije TRA, g-dina Ismara Alagića da u kratkim crtama predstavi projektat Cobear, kao i prijedlog Ugovora od strane Delegacije EU u BiH. Direktor Agencije TRA, g-din Ismar Alagić je članovima Skupštine Agencije TRA u kratkim crtama predstavio aktivnosti na projektu, partnere, vrijednost projekta, kao vrijednost granta od strane EU. Ugovorom je predviđeno da „TRA“ d.o.o-Agencija za razvoj općine Tešanj, bude vodeći partner na realizaciji projekta COBEAR, a ostali partneri na implementaciji projekta su: Općina Teslić, RAŽ-Razvojna agencija Žepče i Udruženje privrednika „Biznis Centar“ Jelah Tešanj. Ukupna vrijednost projekta je: 526.575,56 eura, učešće partnera na projektu je 87.027,70 eura, grant sredstva od strane EU je 439.547,95 eura, trajanje projekta je 30 mjeseci. Predsjedavajući Skupštine Agencije TRA, g-din. Hamzalija Hojkurić je zatražio informaciju o vrijednosti učešća Agencije TRA na projektu COBEAR. Direktor Agencije TRA g-din. Ismar Alagić je upoznao članove Skupštine Agencije TRA da je vrijednosti učešća Agencije TRA na projektu COBEAR u iznosu od 30.912,50 eura, te je naglasio da je potrebno vrijednost učešća Agencije TRA na projektu, Općina Tešanj prebaci na račun Agencije TRA. Član Skupštine Agencije TRA, gđa. Selma Mešić je naglasila da je neophodno da Uprava Agencije TRA prethodno Općini Tešanj podnese zahtjev sa naznačenim vremenskim periodom za finansijska sredstva koja su potrebna kao učešće Agencije TRA na projektu COBEAR. Predsjedavajući Skupštine Agencije TRA g-din. Hamzalija Hojkurić je naglasio da je za Općinu neprihvatljiva vrijednosti učešća Agencije TRA, jer bi time Agncija TRA potrošila sva finansijska sredstva koje dobija od strane Općine kao grant sredstva podrške projektima za period trajanja projekta COBEAR. Predsjedavajući Skupštine Agencije TRA, g-din. Hamzalija Hojkurić

predlaže da se planirano učešće Agencije TRA isplati od strane Općine kao grant sredstva podrške projektima u iznosu od 50% od ukupno planiranog učešća Agencije TRA na implementaciji projekta COBEAR, te da se lična primanja uposlenika Agencije TRA Muamera Omahaća i Adise Kokić umanje za 100%, odnosno u istoj mjeri koji će biti finansirani iz projekta COBEAR. Za riječ se javio Direktor Agencije TRA, g-din. Ismar Alagić, koji smatra da je prijedlog predsjedavajućeg neprihvatljiv zbog striktnih pravila koje je postavila Delegacija EU u BiH. Ostali članovi Skupštine su bili suzdržani na ovaj prijedlog, te su predložili da se sjednica Skupštine Agencije TRA prekine, dok se ne dobiju detaljne smjernice od strane Općinskog načelnika. Sjednica je prekinuta u 10 sati i 45 minuta, a nastavljena u 12:00 sati. Imajući u vidu da je Općinski načelnik podržao finansiranje projekta COBEAR Skupština Agencije TRA donosi:

ODLUKU

Prihvata se prijedlog Ugovora o grantu od strane Delegacije EU u BIH za realizaciju projekta COBEAR.

ZAKLJUČAK 1.

Prihvata se grant učešće „TRA“ d.o.o-Agencije za razvoj općine Tešanj, kroz implementaciju projekta COBEAR.

ZAKLJUČAK 2.


Finansijska sredstva predviđena za lična primanja uposlenika „TRA“ d.o.o-Agencije za razvoj općine Tešanj za vrijeme trajanja projekta COBEAR će se definisati prijedlogom budžeta „TRA“ d.o.o-Agencije za razvoj općine Tešanj za 2015.godinu.

ZAKLJUČAK 3.

Zadužuje se Uprava „TRA“ d.o.o-Agencije za razvoj općine Tešanj da finansijku konstrukciju u dijelu cjelokupnog sufinansiranja projekta COBEAR dostavi na uvid Općinskom načelniku najkasnije do 14.11.2014.godine.

Pod tim nazivom „Razno“ članovi Skupštine Agencije TRA nisu raspravljali. Sjednica Skupštine Agencije TRA je završena u 12 sati i 35 minuta.

Zapisničar:


Muamer Omahać, dip.pravnik



Predsjedavajući Skupštine Agencije TRA


Hamzaliya Hojkurić, dipl. oec.

Ovjerivači zapisnika:

Muhammed Džinić



Senad Lekić



Dostavljeno:

Članovi Skupštine Agencije TRA x3

Arhiva Skupštine Agencije TRA

Arhiva